



69. ԱԺԴԱՀԱԿԸ

Ինու՛մ ա, ինու՛մ չի մին կնեգյ, մին մարթ ա ինու՛մ: Էս կնեգյ նան մարթը մինը մինու նհետ փրսակվում ըն:

Շատ տարե յա ընցնում, էս կնգան նան մարթեն խոխա չի ինու՛մ: Վերջը շատ վախտ ա ընցնում, տահանց մին խոխա յա ինում: Էն էլ մին տղա խոխա: Հնգեր, հրեան, պարիկամնի, ծանոթնի, հըվաք-վում ըն, վեր ըշկըլունիքյ տան էտ կնգան նան մարթին:

Կյուվուղնեն հի՛նչ ըն տեսնում, վեչ թա՛ խոխա յա, լափ մին պատիժ, հրաշկ պեն, վեր ինդի պեն հալա՛ ուրանց օրումը էն ա վեր տեսնում ըն: Կյուվուղնեն՝ հնգեր հրեան, պարիկամ, ծանոթ, քշը-ռում ըն, տեսնում խոխան հենգյ փութանոց ա:

Տա՛տմարըն ասում ա. — Ստի խոխա հալա՛ ես տեսալ չը՛մ: Էս ա հարոնր քոսսուն տարե յա, վեր տըտմարթուն ըմ անում, հալա՛ յրես մորան իլա՛ծ սըհաթաս շուրու մըհենգյ հենգյ փութանոց խո-խա չըմ տեսա՛լ: Ըստրան անումը բեղմա մին հենց անում տինինքյ, վեր իստի պատիժ պեն ա, վերչումը ստրանա լա՛վ տղամարթ տոնս կըկյա:

Ստի պենի ըշկըլունիքյ կյուվուղնեն ըրմանում ըն: Սահանց նհետ մին մեծ պառավ մարթ ա ինու՛մ, Սամսոն ընումավ:

Սամսոնըն ասում ա. — Ա՛ ժողովուրթ, յրես իմ օրումըս ստի պեն տեսալ չըմ, ամմա ճարըն էս ա, վեր սա հիրը օղում ա ինի՛, վերչումը անգա՛հա յա տոնս կյըլական, յրես ըտրա անումը տնում ըմ Աժդահակ:

կյուլուղներան մին օրիշըն ասըմ ա. — Պա վեր Թամամեն հենգյ փութանոց մին խոխա յա իլնլ, կաթն ա՞ իննական, վեր ծեծ տա:

Թամամ բաջին ասըմ ա. — Իմ տոնըս, տեղըս մատաղ իմ բլես, վեր աշկես սըվը-սիտլտանկն ա: Վեչ թա մինակ ծեծըս, իմ ջանըս էլ ա մատաղ, թաքյ կենա, խոխաս մըծանա:

Թամամեն հետե շատ տիժեր ար: Ինքը միչև խոխան պիրիլը ըշխըդելիս ա իլնլ հարուստ Միրզին հետե:

Իրեք օրանը հտը Միրզան ծեն ա տամ Թամամեն նան Թամամեն մարթեն, վեր քյինան ըշխաղին. Թամամը քըղըհան անե, ուրան մարթըն էլ վըղասլեն անե ուրան մհար: Ստի տնջվիլավ, չըրչըրվիլավ Թամամ բաջին շելանկն կասլում Աժդահակեն, քյրնամ քըղըհան, կյամ: Մին թահրնվ Աժդահակին պահում ա, մծըցնըմ:

էտ վախտը շկոլումը կընգ-կընգ հարուստներեն խոխենքյըն ին թողում կարթին, մին պեն դյիդան:

Խեղճ թամամ բաջուն խոխան թողում չըն կարթի:

Ասըմ ըն. — Հանլմ ծըծա հտ չըս ըրալ:

Հարուստենն ստի մհանա փոնելավ, թողում չըն, թա խեղճ քյսիթ Թամամ բաջուն տղա Աժդահակը կարթի:

Աժդահակը քառասուն տարի ծեծ կերավ, քառասուն տարանը հտը Թամամ բաջին ծըծա հտ ըրավ, տվավ շկոլ, վեր կյիրըհանանչ տեռնա:

Աժդահակը նի մտավ շկոլ, ըշտեղ սվերըմ ին դովլաթատարերեն, հարուստներեն խոխենքյը:

Մունթերը տնազ ին անում, ասում, թա. — Համութ չի՞, վեր քառասուն տրեկան, եկալ ըս մինինջի մունթը տեռալ, օխտը արեկան, օթ տրեկան խըխոցու հնդյեր ընգալ:

էսքան տնազանը հտը Աժդահակը կյամ ա ուրան ապորը կոշտը, ասըմ. — Ա՛պա, խոխենքյը, էն շկոլեն մունթերը ինձ տնազ ըն անըմ, թա խե՞ եկալ ըս օխտը-օթ տրեկան խըխոցու հնդյեր տեռալ:

Հարըն ասըմ ա. — Բալա, ապան քե մատաղ, նահանք հի՞նչ մունթեր ըն, հի՞նչ խոխեքյ ըն, վեր քյըեզ տնազ ըն անըմ: Հու վեր քյըեզ տնազ անե՞, մին սիլլա տո ուրխեն, էլ տնազ չանել:

էքյսը քյունում ա շկոլ, էտ խըխոցան մին քանե հոքյի տնազ ըն անըմ: Վեր տնազ ըն անըմ, Աժդահակը սիլլա յա տամ, տահանց կլոխենն պուք ա կյամ: Ստի մին քանե մունթու կլոխ պուք ա տամ, մինակ մհհետ սիլլա տալավ: Ծեն ըն տամ քյուլսվեն:

Քյոխվան կյամ ա, թա փըռնե Աժդահակեն, թա. — Խե՞ խըխոցու թխալ ըս, սպանալ:

Աժդահակը թխում ա, քյուլսվեն կլոխըն էլ պուք տամ: Ծեն ըն տամ պրիստավեն, գարադավոյեն, դըրդեն, վեր մին ճար անին, էլ քյուլսվա չի թողալ, էլ հարուստու մունթ չի թողալ, էլ դարդա չի թողալ, լոխճին կտորալ ա:

Պրիստավըն օղում ա մին հնար քթենա, առանց Աժդահակեն նհետը խուսելու, ընդրա կլոխը ըրադու տա:

Նի յա մընըմ շկափին մեչը ծեն տամ, կակուղ լոնդվավ ասըմ. — է՛յ, քյըեղ դարկինքյ քյընա ծմական միկա փաղ, ճեխ պեր բաք-մաղ իփիլի հետե:

Պրիստավըն օղում ա, վեր դարկի մին հանց ծմակ, վեր ասլան-ենն օտին, թողին վեչ, թա սաղ-սըլըմաթ կյա տոն:

Պուրում ըն մին ըրրա, մին ճոխտ կյումաշ տամ, վեչ ցակատ ըն տամ, վեչ կացեն: Աժդահակը ըրրան լծըմ ա, քյընա:

Շատ ա քյընա, խրեդյ ա քյընա, հսնում ա մին քաղաք, անըմը Շուշի: էտ քաղաքան անց ա կենըմ, հըսնըմ մին ծմակ: էտ ծմակը մին հանց ծմակ ա ինում, վեր ընդեղ քյընողը էլ ետ չի կյամ: Հինչ մարթ քյընամ ա, ըսլընենն օտում ըն:

էս Աժդահակը քյընա ա էտ ծմակը, ըրրան ըտեղ տուն ա օնում, պըրծընում, սկսում ա փաղ անելը, էն էլ ծեռքավ: Քառասուն-ից-ծուն կեղ հաստ փըդերեն ծեռքավ շըրըմփըցընում ա, կյերան-կյերան փաղերը նի տամ ըրրան, կպոտում, պըրծընում, ինքյը քոն ինըմ: Հենդյ քշեր-ցիրեկ քոն ա ինըմ: Զուրթնանըմ չի: Սաղ ժողովուրթը գյուղում ըն, թա ըսլընենն կերալ ըն: Հենդյ օրանը ետ Աժդահակը քունա զըրթնանում ա, տեսնըմ կյումաշ չիկա: Կյու-մըշներեն ըսլընենն կերալ ըն, ծմակումը մին թալա տեղ նստոտալ: էս Աժդահակը ըսլընեններեն փըռնոտում ա, ըրրան լծըմ, պիրում քաղաքը: Ժողովուրթը զըմանում ա, վեր Աժդահակը ըսլընենուն պերալ ա քաղաք: էս պենը տարածվում ա սաղ ըշխարքումըս: Սա թողինքյ ըստեղ, խոսինք պրիստավան:

Պրիստավը տեսնում ա, վեր Աժդահակը էլհա ծմական ետ ա եկալ, էլ օրիշ հնար չի քթենում ընդրան պըտծելի: Պրիստավը վերչումը կյամ ա էն մթկեն, վեր կարքադրե Թամամ ըաշուն, վեր Աժդահակեն փսակե:

Տա կանչըմ ա, ասըմ.—Թա՛մամ, հե՛ Թա՛մամ, տու օղում ըս աշխարքըս քանդի՛ս, խե՛ աղետ փսակում չը՛ս, վեր մին խելքու կյա, էլ քյուլսվա չի մնաց, էլ հարուստ չի մնաց, էլ դարդա չի մնաց, ախեր լոխճին էլ կտորի՛ց:

Թամամ ըաշին քյինա ա պրիստավին կոշտը, ասըմ. — Պրիս-

տալ սղա, յրիս հո՞ւնց անիմ է՞, մին պառավ կնեզ ըմ, յըես էլ էտ ըմ օղում, վեր իմ խոխաս փսակվե, ինձ պահող չիկա՛:

Թամամ բաջին կանչում ա ուրան Աժդահակեն ասում. — Բալաս, մաման քե մատաղ, պա յըես պռավալ ըմ, քու հար պռավալ ա, մրեղ պահող չիկա, պեր քյրեղ փսակինքյ, քյրեղ մըհար մին ախճիղ օղիմ, վեր ինձ պահե:

Բեղմա ասիմ, վեր Աժդահակը մին շատ պարի մարթ ար դրի ուրան հարը, մարը, ժընողներեն սիրում ար:

Ասում ա. — Ա՛ մար, բա տու խե՞ ըրդիս ինձ փսակիլ, յըես ինքս ինձ լիվ կըփսակիմ:

էս խոսկերքըն ասում ա, պըրծնում, քյընամ մին ըրկաթե քսան փուլթանոց մհակ զակազ տամ, մին գորգ, վեր պրուժինավեր ա ընում, հիշքան պեց ա թողում, էնքան էլ էրկընանում ա: Մին էլ ղակազ ա տամ մին քանդիր, հենդ հարուր մետր էրկընոթունավ: Յոր ա օնում էս կործիքեն, ճընապա ընգնում, քյընամ, վեր ախճիգ օղի:

Շատ ա քյինամ, խրեզ ա քյինամ, ախրը տուս ա կյամ հղեն քյինամ: Տեսնում ա մին մարթ էնքան հոնարու, վեր դենդնավ փոկ ա քաշում:

Աժդահակն ասում ա. — Ա՛խպեր տղա, էտ հի՞նչ մեծ հոնար օնիս, վեր դենդնավըտ փոկ ըս քաշում:

— Պա տու էտ ը՞ս ասում, ախպեր տղա, Աժդահակը ըսլընեն պերալ ա քաղաք:

— էտ լհա յըես ըմ, մին չինինքյ, էրկու ինինքյ, քյընանք ախճիգ օղիլ:

էս էրկուսավ քյինամ ըն: Շատ ըն քյինամ, խրեզ ըն քյինամ, մին էլ տեսնում ըն մին մարթ հղեցը ղրաղեն նստած, կյումաշու կաշվա, էն էլ էն թահրը կաշվա, հստոթունը տասը սանդիմետր, տրեխ ա անում:

Աժդահակը ուրան հնգյերավը պարով ա տամ, ասում. — Ա՛յ մարթ, հի՞նչ մեծ հոնար օնիս, վեր առանց բիզ, առանց տենակ, տրեխ ըս անում էտ թահրի կաշվա:

— Տու էտ ը՞ս ասում, ախպեր տղա, Աժդահակը ըսլընեն պերալ ա քաղաք:

— էտ հենց յըես ըմ, — բաղասխանում ա Աժդահակը. — էրկու չինինքյ, իրեք ինինքյ, քյինանք, ախճիգ օղինքյ:

Իրեքավ շատ ըն քյինամ, խրեզ ըն քյինամ, մին էլ տեսնում ըն

մին մարթ հղըցավը փախճում ա, մին ճղացու քար մին վեննը քցած,
մինն էլ էն մին վեննը քցած:

Հետան ծենն ըն տամ. — Արա հե՛յ, էտ հո՛ւ վը՛ս, թո՛րըն ը՛ս
փախչում, վեննը կա՛ց, տեսնանք հի՛նչ մարթ ըս, վեր իտի ան-
դահա՛մ յըս:

Մարթը վենն ա կենում, բաղասխանում. — Արա՛, պա տու էտ
ը՛ս ասում, Աժդահակը ըսլընենն պերալ ա քաղաք:

— էտ հենց յըես ըմ, — բաղասխանում ա Աժդահակը, — իրեք
չինինքյ չորս ինինքյ, քյընանքյ ախճիգյ օղինքյ:

Չորսավ շատ ըն քյինամ, խրեգյ ըն քյինամ, մին էլ ըն տես-
նում մին մարթ նստած հըղըցեն ղրաղեն, Մռավ սարեն նման մին
սար մին ծեռքեն, Քյիրս սարեն նման մին սար էլ էն մին ծեռքեն
դյրվանքեքյ ա շինում:

— էտ հի՛նչ ըս շինում. — հըրցընում ըն ընգրանա:

— Գյրվանքեքյ ըմ շինում, մինը մին խրեգյ պակաս ա:

— էտ հի՛նչ օժավ ըս, վեր էտ հսկա սըրերան գյրվանքյա յըս
շինում:

— Պա, տու է՛տ ըս ասում, ախպեր տղա, Աժդահակը ըսլըն-
ենն պերալ ա քաղաք:

Աժդահակըն ասըմ ա. — էտ հենց յըես ըմ, չորս չինինքյ, հենգյ
ինինքյ, քյինանք ախճիգյ օղինքյ:

Հենգյ անդահա շատ ըն քյինամ, խրեգյ ըն քյընամ, քառասուն
սութկա հղե յըն քյինամ: Տրանց մեծը Աժդահակն ա ինում: Սրանք
հենգյ հոթի, էնքան քյինամ ըն, հըսնում ըն մին տեղ, եշըմ ըն, տես-
նում, մին երգյիր, վեչ մարթ կա, վեչ սաս-սեմո՛ւր, մինակ շատ հոռե
ըրվամ ա մին պոլլո՛ւր սիպտակ պեն, տափեն վեր ընգած: էտ պոլլ-
ո՛ւր պենը շատ պիժի յա ըրվամ: Քանե քյինամ ըն, էնքան մուտու-
նալավ էն սիպտակ պենը մըծանում ա: Քառասուն սութկա քյինա-
լանը ետը հըսնում ըն էն սիպտակ պենին կոշտը, տեսնում հի՛նչ,
մին կալի շանք պոլլո՛ւր քար, վեր ընգած: Տեսնըմ ըն էս քարեն մեշ
տեղան ծակ ա, էն ծական քըլքըլալի ծոխ ա տուս կյամ:

էս հենգյ անդահեքյը, մնամ ըն մանթալ, ցմաքված.

— Բա էս հի՛նչ պեն կինի, քընենքյ ըն անըմ, մին-մին եշում,
վեչ մին պեն կարում չըն գյիդան, ճոկին, թա՛ ստեղ հի՛նչ կինի՛:
Ստահանք լոխ եշում ըն Աժդահակին, թա՛ տեսնան նա հի՛նչ
կասե:

Աժդահակըն ասում ա. — Տղեք, ծրեղ տեսնամ, ղոլաթավ
էս քարը բեղմա յոր օնինքյ, տեսնանք ըստրա տակեն հի՛նչ կա:

Չորս ղվաթլու անդամները մնամ ըն մանթալ, օղում ա թա սահանց լղեն ճաքե, սահանց սըրտերնին օղում ա, թա ընգնե հեռե տեղ Աժդահակեն էս խոսկերքեն յրան:

Մնամ ըն մըտըծելիս, թա հո՞ւ կըկարե էս ղըեռ քարը պիցիրցնե: Ախրը շատ ըն մանթալ մնում, խրեգլ ըն մանթալ մնում, տեսնում ըն մին խրեգլ ուրանց անտ հեռե վրինի քուսսուն կլումաշ ա ըրվամ: Սահանք փոխտում ըն էս քուսսուն կլումաշին կտորում, օտում: Էտքան մեսը մին սահաթումը օտում ըն, ուժովանում:

Աժդահակըն ինքը ուրան ասում ա. «Հարկավեր ա սահանց լոխճին օժը փորցած ճոկ-ճոկ»:

Պուրում ա ուրան էն սովթա հունարու հնգյերը, վեր առանց տենակ, առանց մին պեն, ղեյնավը փոկ էր քաշում, ասում. — Ախպեր փոկ քաշող, մին էս քարըս պրցրցրո՛ւ, տեսանք ըստրա տակեն հի՞նչ կա:

Փոկ քաշող անդաման փորցում ա, կարում չի էս քարը պրցրցրցնե:

Երկուինչի հնգյերին էլ ա ասում, էն էլ չի կարում պրցրցրցնե: Իրեքինչինը՝ ճղացեն քարերը վենները քցող անդաման էլ չի կարում պրցրցրցնե:

Չորսինչի՝ սարերը գլըվանքյա շինող անդաման էլ ա ասում. — Ախպե՛ր տղա՛, էս քարը մին հանց եր կալ շարտե, վեր էլ ըտեղեքլ ըրվա վուչ:

Սա էլ փորցում ա, մին խրեգլ տեղան տուրո՛ւր ա տամ քարը, էլհա կարում չի պրցրցրցնե: Հերթը հըսնում ա ուրան, քուսսուն տարե ծեծ օտող, հարուստներեն մին սիլլավ կտորող, ըսլընեն քաղաքը պիրող Աժդահակեն:

Էս մարթը էն ջուռա անդամա ար, վեր մին դոնում նախաք քաշից րիդի փորը, մին ծեռքըն էլ տիրավ քարեն տակեն, միչև նախաք տո՛ւս ածելը, էս քարը մին ծեռքավ հանց թող ըրավ, վեր էս քարը ուրանց անա քուսսուն վերստ հեռե ընգավ: Հի՞նչ ըն տեսնում, տեսնում ըն մին վեր, մաշան ծոխ ա տո՛ւս կյամ: Էս վերեն ծակը շատ ա սահանց ղըրմըցնում:

Աժդահակըն ասում ա. — Բեդմա նի մընինքլ էս վերը, տեսանք տափեն տակեն հի՞նչ կա, վեր ստի ծոխ ա տո՛ւս կյամ:

Չորս աժդահքըն էլհա վախում ըն: Հի՞նչ անին, բեդմա Աժդահակեն ասածը կդարին: Էլհա ընդի, հունցու վեր քարեն յրա յա սահանց օժը փորցալ, օղում ա ստեղ էլ փորցի:

Պիրում ըն փոկ քաշող հունարուվեն կընըտըկերան կապում,

քյինդիրավ կախ տամ էս վերեն մաչընըվեր: Տա պատառ թըքանըմ ա, վեր քյինամ ա փոսեն մաչընըվեր, սկսում ա ճըղճըղալը. — Վա՛յ էրից, վա՛յ էրից, վա՛յ էրից:

էս խոսկերեն դամդամ ըստրան տոնս ըն օնում: Պիրում ըն էր-կունչինը կախ տամ՝ տրեխ քաշող անդամհեն, վեր քյընա տեսնա տափեն տակեն հի՛նչ կա:

Շատ ա քյինամ, խրեգյ ա քյինամ, մին էլ ըն տեսնում էլհա ճըղաց. — Վա՛յ էրից, վա՛յ էրից, վա՛յ էրից:

Ըստրան էլ ըն տոնս օնում: Ծղացեն քարերը վըենները քըցող անդամհեն ըն կախ տամ, սա էլ նահանց նման կարում չի քյինամ, էլհա տոնս ըն օնում: Հերթը հըսնում ա սարերը գյրվանքյա շինողեն: Ըստրան էլ ըն կախ տամ, սա էլ չի կարում տիմանամ, շատ ա ճըղճըղամ:

— Վա՛յ էրից, վա՛յ էրից, վա՛յ էրից, էլհա տոնս ըն օնում: Հերթը կյամ ա հսկա անդամհա Աժդահակեն:

էս մարթը ուրան հնգյերունցը ասում ա. — Իմ կոնըտըկերաս կապեցեք, կախ տվեք, հիշքան ասիմ. «Վա՛յ էրից, վա՛յ էրից», ինձ տոնս շօնիք, կախ տվեք քյինամ, մին տեսնամ վըեղեն տակեն էս հի՛նչ երգչի ա, վեր ըստի ծոխ ա տոնս կյամ:

Աժդահակը յոր ա օնում ուրան քսան փութանոց ըրկաթե մհակը, գյորդան, կախ ընգնում, քյինամ:

Շատ ա քյինամ, խրեգյ ա քյինամ, հըսնում ա տափեն տակեն մին երգչի, տեսնում ինքյը վենը կացած ա վեց տուան ըռաշկե: Աժդահակը քընենքյա ա անըմ, թա՛. ճըրես հի՛նչ անիմ, հո՛ւնց անիմ, վեր նի մըննիմ էս տոները, տեսնամ ըստեղ հի՛նչ կա:

Աժդահակեն հնգյերունքը հալա՛ն հըլմ ըն, տեսնան, թա՛ էն հի՛նչ խաւար ա պերում:

Առաջին տըռնավը նի յա մըննում, տեսնում մին զարմանալի պեն: Մին օշափ կլիսը տիրած մին պառավ կնգա ծընգան, օխտը օրվան քոն նի մտած, մին դուլեն էլ ստուլեն յրան մին սերուն ախճիգ:

Աժդահակը ինքյըն ուրան ասըմ ա. «Մունք հենց ախճիգյ օգելի յընք եկալ, էս լամ տեռավա: Էտ դարըմը տեսնում ա պատան կախ տված գյիրին յըրա կյիրած քյոհն հայ լուզվավ, վեր էտ սերուն ախճիգյը մեծն ա՝ ուրանց քղաքումը, հորը պըլըտներան մին օթախըմ նստած, օշափըն էլ ուրան պառավ կընգանավը ընդրա յրան պահակ ա տիրած:

Աժդահակը սազ ա անում ուրան քսան փութանոց մհակը, վեր օշափեն կլիսեն թխե, սըտկըցեն:

Պառավը Աժդահակին ասում ա. — Ա՛յ աստուծու ղոնաղ, տու հիշտեղա՞ն ըս ընդալ ըստեղ, սուսըփուս տոնս եք, թա՛ չէ օշափը եր ա կըննական քլըեղ մեհետան կու տա, քլըեղ մըհհման անե:

Աժդահակը եշից վուչ պուսկին խոսկերեն, հանից քսան փութանոց մհակը, մին հետ ինդի շրրիկցըրավ, օշափին կլխեն, վեր սաղ պատառը մնաց կեռեքլը: Պըլատեն պուսկին էլ սպանից, ախճիգլը տոնս կալավ էն ժակսեն ուխը, հիշտեղ չորս անգամ քլանդիրը կախ ըրած պահում ըն, թա՛ տեսնան Աժդահակը հի՛նչ ա ասըմ ուրանց:

Սերուն ախճիգլը թողում ա ըտեղ, էրկունջի տոնըն ա օղում պեց անի տեսնա ըտեղ հի՛նչ կա: Թըխում ա, տոնը կոտրում, նի մըննում պալատը, տեսնում ընդրա նման մին սերուն ախճիգլ, ամամ օշափը իրեք օր ա մնացալ, վեր քունուտեղա եր կենա:

Պառավ պըլըտականը նստած ա օշափին կոխկեն, վըխցընում ա Աժդահակին, թա՛. — Օշափը էս սհաթեն եր ա կըննական, քլըեղ կու տա:

Աժդահակը վախըմ չի: Թխում ա: Մին թխելավը սպանում օշափին, պըլըտական պուսկին: Սերուն ըխճըկանը տոնս օնում, պոնըրում առաչին ըխճըկանը կոշտը, վըխցընում ա, վեր միչև ուրան կլալը վեչ մինը տեղան տուրոնը չի կլա:

Նտան նի յա մըննում իրեքինջի տոնը: էլհա ինդի տեսնում ա նահանց անա մին սերուն ախճիգլ: Իրեքինջի օշափը քոն իլած, խրեգլ ա մնացալ, վեր եր կենա, պառավն էլ կոխկեն, վըխցընում ա Աժդահակին:

Աժդահակը եշում չի, սըտկըցնում ա օշափին էլ, պուսկին էլ: Սերուն ախճիգլը պոնըրում էն էրկու ըխճըկանը կոշտը:

Աժդահակը չորսինջի տունավը նի յա մննում, տեսնըմ էլհա մին սերուն ախճիգլ: էլհա մին օշափ քոն, մին պառավ քըշտեն: էտ ըխճըկանը դանդան կտորում ա էտ օշափին էլ, պուսկին էլ, ախճիգլը էլհա պոնըրում էն իրեք ըխճըկանը կոշտը:

Աժդահակը նի յա մըննում հենգինջի օթախը, ըստեղ մին ախճիգլ ա տեսնըմ: էս ախճիգլը լունինգին տեղը իշեղ ա տամ, ըրիօյնակեն տեղ լուն ա տամ, սերունոթունը մարթու ջան ա էրում: էլհա մին լոխճան մեծ օշափ քոն իլած, մին պըռավու կոխկե: Աժդահակը սպանում ա օշափին նան պուսկին, էս ախճիգլը ուրան հետե յա յոր օնում: Վեր պոնըրում ա էն չորս ըխճըկանը կոշտը, էս ըխճըկերքը մնամ ըն մաթ մնացած, վեր ստի կեղեցկոթուն կա աշխարքումըս, բա էլ ուրանք հինչացու լը՛ն:

Մհենդյ խոսինքյ չորս անգամներան, Ըստրանք սկսում ըն քանդիրավ էս սերուն ըխճըկորանցը տուն պիրիլը:

Հերթը հսնում ա հենգյինջի ըխճըկանը, վեր տուն կյա, էտ վերան:

էս ախճիգյը օղում ա, վեր առաչ Աժդահակին տուն օնին, քանի վեր ուրան կյեղեցկոթունավը տարվելու յըն էտ չորս անգամքը: Աժդահակն էտ վերան տուն չըն ունական:

էս ախճիգյըն ասում ա. — Սիրելի Աժդահակ, ինձ վեր տուն օնին, յոր ըն ունական փախչին, քընդ թողին ըստեղ, տու եք, տուն եք, ինձ էլ տուն կալ, եր կալ քընանք:

Աժդահակը հվատում չի, ասում ա. — Տու տուն եք, ինձ իմ հնգյերունքըս տուն ըն ունական:

Հենգյինջի ախճիգյըն ասում ա. — Սիրելի Աժդահակ, ինձ վեր տուն օնին, քընդ տուն չըն ունական, յընս վեր տուն կյամ, ըստեղավ կըքինաս, ըռաշկետ մին տոռն ա իննական, նի կը մննիս ընդեղ, մին կալ ա իննական, էրկու վեչխար լծած, կամները քըշելիս, ջահտ կանիս սիստակ վչխարեն յրան նստիս, վեր քընդ լուն աշխարհք հանե, թա չէ, վեր ընդնիս սև վչխարեն յրա, քընդ հանելու յա սև երգյիր:

Ըխճըկանըն ասած էս խոսկերքը կադարվում ա: Ըխճըկանը չորս անգամքը տուն ըն օնում, յոր օնում, փախչում, Աժդահակին թողում ըտեղ, վերեն մաչին:

խոսինքյ Աժդահակին նեստա: էտ չորս անգամքը եր կալին էտ սերուն ըխճըկորանցը փախեն:

Աժդահակը մնաց էտ վերին մաչեն: Քյինաց ըիդի վեցինջի օթաղը: էն օթաղումը էրկու վեխճար, մինը սև, մինը՝ սիստակ լծած կամին, կալ ըն թակում:

Աժդահակը օղում ա, թա սիստակ վեխճարեն յրա նստե, ընդուն ընգնում ա սևեն յրան: Սկըն ընդրան տուն ա պոնում սև երգյիր:

էտ սև երգյիրումը Աժդահակը քյինամ ա մին պառավ կընգա տոն: Ընդեղ ծրավում ա, ճոն ա օղում, պառավը քընամ ա կյուզում, պիրում տամ Աժդահակին, ընդրան հետե, վեր ճուր չի կար էտ ըշխարքումը:

Մին ճուր կար, մաչին մին գյուրգա օխժ, վեր ժողովուրթը քանե հետե ճուր ա յոր օնում, մին մարթ ըն քիցում ըռեխը, ետնան ճուր յոր օնում: էս վախտը թաքավերեն ըխճըկանը հերթն ա ընում, վեր բեղմա ըռեխը քցին, ճուր յոր օնին:

Աժդահակը կյամ ա թաքավերեն ըխճըկանը հետե պադրաստած

տեսը-տենը օտուտ, ուրան գորդանը յոր օնուտ, լենքին պահում, ընգնում էտ ճիրին մաշին գյուղգին ըոեխը: Գյուղգին կտորում ա ըտեղ, մին տասը սաջին փաղու շանք թուփ անում:

Հտրանա հտը քյինամ ա թաքավերեն կոշտը, ասում. — Ինձ լուս աշխարհք տոնս կալ, ինձ մին նպատակ օնիմ:

Թաքավերն ասում ա. — Յըես կարալ չըմ, միննակ մին պայման կա, թա կարիս անիս, տու տոնս կկյաս լուս աշխարհքը: էտ պայմանն էն ա, վեր մեր էս երգչիրումը կա մին Մովինար-ղուշ: Նա մին էրգյան շինարու յրա պոնն ա տիրալ, ճոտեր ըրալ, թառ իլալ: Մին մեծ գյուղգա օխծ կա, միշտ կյամ ա էտ ղուշին ճոտերը օտում: էս տարե էլ վեր օտե, էլ Մովինար-ղուշը մարթ չի տոնս ուննական լուս աշխարհք:

Աժդահակը քյինամ ա, էտ օխծը սպանում, տասը սաջեն փաղու շանք թուփ անում, հտնան շինարուն տակեն քոն ինում:

Մովինար-ղուշը կյամ ա, վեր էտ մարթեն սպանե, ճոտերը թողում չին, ասում ըն. — Տա յա մըեզ ըզաղալ:

էտ ղուշը կյամ ա Աժդահակեն կոշտը:

Աժդահակը ասում ա. — Ինձ լուս աշխարք տոնս կալ:

Մովինար-ղուշը ռազի յա ինում: Ասում ա. — Քյընն օխտը փութ վխճարու տիմակ պեր, օխտը տեգյ ճոնը, մաշկես կապե, նստե մաշկես, հիշտեղ ծովվամ-ծըկըլթամ, մին փութ տիմակ, մին տեգյ ճոնը պերանըս կըքցիս, վեր կարիմ քյըեզ տոնս պիրիմ լուս աշխարհք: Վեր մին մըսխալ պակաս ինի, կարել չըմ տոնս օնիմ:

Աժդահակը քյինամ ա թաքավերեն կոշտը վխճարու տիմակ օղում:

Թաքավերըն ասում ա. — Իմ վխճըրնես քեզ ղուրբան, քյինն, մրթոտե, ճոնըն էլ հանե ընդեղ, վեր ըզաղալ ըս, երկալ, հիշքան օղում ըս:

Աժդահակը քյընամ ա վխճըրնեն մրթոտում, ճոնըն էլ յոր օնում, պիրում Մովինար-ղուշեն մաշկը կապում, մաշին նստում: Ղուշը հղե յա ընգնում, հղեցը կեսումը խրեգյ ա մնում, վեր տոնս պիրի, վերչին մին տեգյ ճոնը նան մին փութ տիմակը օղում ա քցի պերանը, մին տըմակ վեր ա ընգնում: Աժդահակը ջահտ ա անում, ուրան վենենը փափուկ մսան կտրում, քցում Մովինար ղուշեն պերանը: Մովինարը կլիս ա ընգնում, մին թահրամ տոնս ա պոնում լուս աշխարհքը: Լուշվեն տակեն պահում ա էտ մսեն թիքլան: Նտնան տոնս օնում, տընում Աժդահակին կտրած վետանը յրա, ուրան թեփուռան մինը պուք տամ, քսում, լիվանում ա:

Ետնան Մովսիսար-ղուշը ասում ա.— Ինք առ իմ թեփուռներաւ
էրկունը, ըշտեղ նեղըն ընգնիս ուրուր քըսի, յըես քըշտեստ ըմ իննա-
կան:

Աժդահակը ուրան քսան փութանոց մհակը յոր ա օնում, էլհա
հղե ինում:

Շատ ա քլինում, խրեգյ ա քլինում, մին էլ ա տեսնում ուրան
դավաճան հընգյերունքը էն ըն հազարավեր ղորքավ ուրան էն հենգյ
ղաշանդյ-սուրուն ըխճըկորցը փսակում, վեր տանին: Աժդահակը
ըտրանց լոխճին կտորում ա, էն լոխ վըեսկեն, հարըստոթունը յոր
օնըմ, էտ ըխճըկերքը աղաղում, պերում ուրանց շենը: Չորսին փը-
սակում ա, հինգինշինն էլ ինքը յոր օնըմ, նհետը փըսակվըմ:

Ըտրանա ետը Աժդահակը ըախտավեր կյանք ա քաշում:

էն ասթխերավ լիքը երգյինքան իրեք խընճոր ա եր ընգնում.
մինը՝ ասողին, մինը՝ լսողին, մինն էլ՝ էս հաքյաթը լուա աշխարք
քըցողին:

